

## M013B: Annolied (V: Bonaventura Vulcanius)

- 2,1 IN DER werilde aneginne  
 2,2 du licht ward vnde stimma  
 2,3 Du diu vroue godis hant  
 2,4 diu spechin werch geschuph so manigualt  
 2,5 Du deiti god sini werch al in zuei  
 2,6 disi werlt ist daz eine deil  
 2,7 Daz ander ist geistin  
 2,7a danmiri lisit man daz zua werilte sin  
 2,7b Diu eine da wir inne birin  
 2,7c diu ander ist geistin  
 2,8 Du gemengite der wise godes list  
 2,9 Van den zuein ein werch daz der mennisch ist  
 2,10 Der beide ist corpus vnte geist  
 2,11 Dannin ist her na dim engele allermeist  
 2,12 Alle geschaft ist in dem mennischen  
 2,13 So iz sagit daz Euangeliun  
 2,14 Wir sulin vn c ir dritte werelde celin  
 2,15 So wir daz diu criechen horin redin  
 2,16 E dem selben erin ward gescaphin Adam  
 2,17 hauit er sich behaltin
- 3,1 Du sich Lucifer du ze vbile geuieng  
 3,2 vut Adam diu Godes wort vbirgieng  
 3,3 Du balch sig is got desti mer  
 3,4 daz her andere sini werch sach rechte gen  
 3,5 Den manen unt en sunnen  
 3,6 die gebin ire lich mit wunnen  
 3,7 Die sterrin bihaltent ire vart  
 3,8 si geberent vrost vnte hizze so starc  
 3,9 Daz fuir hauit vfuerst sinin zug  
 3,10 dunner vnte wint irin vlug  
 3,11 Die wolken dragint den reginguz  
 3,12 nider wendint wasser irim vluz  
 3,13 Mit blumm cierint sich diu lant  
 3,14 mit loube dekkit sich der walt  
 3,15 Daz wilt hauit den sinen ganc  
 3,16 scone ist der vugelsanc  
 3,17 Ein iuuelich ding din e noch hauit

- 3,18 di emi got van erist virgab  
3,19 Ne were die zuei geschephte  
3,20 die her geschuph die bezziste  
3,21 Die virherten sic in diu dobeheit  
3,22 dannin hukin sic diu leih
- 4,1 CVnt ist wi der vient virspun den man  
4,2 zi scalke wolt er vn hauin  
4,3 So vurt er c ir helliu  
4,4 die vunf werlt alle  
4,5 Vnze got gesante sinin sun  
4,6 der irloste vns von den sunden  
4,7 Ce ofere wart her vur vns bracht  
4,8 demi dode nam her sini macht  
4,9 Ce hellin vur her ane sunden  
4,10 her herite si mit gewelde  
4,11 Der duuel virlos den sinin gewalt  
4,12 wie wurdin al in vrie gezalt  
4,13 In der doufe wurde wir Christo man  
4,14 den heirrin sulin wir minnan
- 5,1 Vp huf Christ sinis crucis vanin  
5,2 die zueilf bodin hiz her in diu lant varin  
5,3 Vane himele gaf her vn die craft  
5,4 daz si vberwunden diu heidenscapht